



17049

Znak korn.

I

Mag. St. Dr.

P

Poloniae et Sueviae Princeps.

*Lipski Joannis: Elgium funebre
Serenissimo Alexandro Carolo Poloniae
et Sueviae Principi scriptum.*

PANEG. et VITAE


1666. 4^o

125.



17049

Mag. St. Dr. I





119
ELOGIVM FVNEBRE
SERENISSIMO D.
ALEXANDRO
CAROLO,
POLONIÆ ET SVECIÆ
PRINCIPI.

A
IOANNE LIPSKI,
REFERENDARIO REGNI,
Scriptum.



CRACOVIAE,
In Officina Andreae Petricouij, S. R. M. Typogr.
Anno D. M. DC. XXXV.




17049 I

BIBLIOTH. UNIV.



JAGELLONICAE



SERENISSIMO PRINCIPI
AC DNO: D.

VLADISLAO IV.
POLONIÆ ET SVECIAE
REGI INVICTISSIMO.

I. L. R. R.



*Rosequenti mihi Cracouiam, iussu
Maiestatis Tue, tristē funeris pom-
pam PRINCIPIS ALEXANDRI,
qua luctus dictauit, sine arte & fu-
co, quibus dolor inimicus, in char-
tam cum lacrymis effudi. Hac Tibi, Optime Ma-
xime Regum, reuerenter offero; vt qui Reipublica
causā nec funeri adesse, nec in eo habitam à vi-
ro docto Concionem audire potueris, saltem hanc
legendo, eò dolentiùs, partem officij funeralis, quòd
iucunda respuit, Fratri exoluas, quò molestior
Tibi accidet lectio scripti, argumento & stylo
A 2 ingrati.*

851 ingrati. Gratum tamen faciet, vel Tuus ille plusquam Fraternus in Fratrem amor, vel perpetuus meus in Tuam Maiestatem, Regiamq; Domum cultus. Interim Superos precabor, ut Te nobis diu sospitem seruet; in quo uno, & letorum auspicia, & tristium solatia habemus: & quo superstiti, ac incolumi, nullos Alexandros desiderabimus. Craeonia, Die 5. Febr: 1635.

ELOGIVM FVNEBRE.



Vod nemo Nostrum sperasset, Serenissimi Principes, cæteriꝑ; amplissimi Auditores, en iterum, vix toto exacto biennio, SIGISMVNDVM Regem, & Reginam CONSTANTIAM, in magno suo, & Orbis delicio, mæstitumulamus. Quid ita? Nimirum sicut illi nouam oppe-
tiere mortem, amissâ eius vitæ parte, quâ post funera nobis, & Orbi viuunt: ita nouo à nobis funere efferuntur; tanquam rediissent in idem triste feretrum, in quo nuper iacebant, ferales amborū urnæ, quibus in vnâ hac ALEXANDRI CAROLI Principis Nostri supremo officio parentamus, inquam posthumam

Elogium Funebre.

corum vitam præcox fatum condidit
Itaque multiplicato funere, creuit & luctus ; qui nescio an aliud solatium admittat , quàm non totâ morte in obitu Filij Progenitores obijſſe ; ſed ſupereſſe illis plures adhuc vitas , quibus non ipſi modò , ſed nos quoq; viuimus, vel ideo, niſi auguria fallant , in longa ſæcula duraturas, quòd fata in minimo, ultimoque Fratrum cæperint , vt ſtatim deſinant, vel diu ceſſent , nos ferire. Niſi etiam vel hoc ipſum in ſolatijs ſit , voluiſſe beatiſſimos illos Diuorum Parentum ſpiritus partiri inter Filios, cæli terrarumque Regna , vt Maximus natus hîc pro ipſis , minimus ibi cum ipſis Regnaret. Cætera ſolatia , etſi ea interdû fingere ſibi dolor ſoleat, tantus luctus, & iactura reſpuit , præter lacrymas, quas ſi ad Achyllis buſta Alexander Magnus, ſi ad Alexandri ſta-

dri statuam primus Cæsarum fuderat,
illacrymemus & nos, & magis singulti-
bus, quàm verbis parentemus ALEXAN-
DRO CAROLO, Principi, non minùs re-
quàm utroq; nomine Magno. Ad vr-
nam Alexandri statumus, sine Magni titu-
lo Maximi, qui an magnitudine Mace-
donicum æquare, si & ætate potuisset:
paucis, quæso, mecum, Auditores, ex-
pendite. Tametsi Magni cognomentũ
ALEXANDRO Nostro fata cum vita eri-
puere, quod iam ita mereri incipiebat,
ut peragratus ab eo Germanicus, atque
Italicus Orbis, Magnum fore augurare-
tur: Magnus tamen in primis Regio ge-
nere erat, ipsoq; Magno Alexandro Ma-
ior; quem cum Deo natum, per fædam
assentationem, antiquitas iactat, Philip-
po Patre per summum probrum spoliat;
quiq; nō tantum orbis subegerat, ut Ma-
gnus di-

Elogium Funebre.

gnus diceretur, quantum inclyta Gotto-
rum, ac Vandalorum Gens victricibus
armis peragravit, ut Magnos posteros fa-
ceret; quantumq; vel nunc vnica Augu-
sta Domus Imperio obtinet: cui novos
ad victoriam mundos quæri oportebat,
ad quos aspirare tantum, ac illacrymari
moribundo ALEXANDRO licuit, sponte
professo, se ne vnum quidem subiugasse.
Hinc si Magnos faciebant, inani & am-
bitioso titulo, usurpata, Gottici, Vanda-
lici, Germanici, cognomina, ut saltem
illa in trophæum irent, cum populi vinci
non possent; an non multò maior Prin-
ceps is, qui non titulo, sed genere tam
magna præferebat nomina? præterquã,
quod virtute eadem meruerit, & alter
Germanicus indole, gloriâ, fato, fuerit.
Nostro igitur ALEXANDRO nihil ad pri-
mam hâc magnitudinem defuisset, præ-
terquam

terquàm, vt Regibus ad Regna natus, eti-
am Rex esset; n̄ mereri Regna, ac debe-
ri præclarius sit, quàm habere: nec mi-
nores faciat factorum iniuria, quos genus,
& virtus maximos. Destinabatur ille, or-
bis iudicio, magnis sceptris, & dignum
Imperio consensus gentium, vox popu-
lorum fatebatur: nec erat, qui natã Re-
gno indolem, dignam Imperio faciem,
contemplatus non ederet vetus oraculũ:
Regnabis, si viues. Orbis hæc culpa, vel ia-
ctura, qui dum annos expectat, dum de-
liberat, quam sui partem Imperio eius
traderet, maluit vel ipse mori, quàm serò
Regnare: vel æquiora fata inter inuidiã
annorum, Regnorumq; , ne ætati suæ, in
quã immaturã licet, iam Regno maturus
erat: neuè sceptris eum tacito voto am-
bientibus iniuria foret, maluerunt, vt
æternũ tota posteritas dignum orbis

B

Impe-

Elogium Funebre.

Imperio iudicaret, quàm ipse nō toti Imperaret. Deinde Diuilli Progenitorum Manes, cū Alexandrum suum, nō Bucephalos, vt ille Macedonicus, sed Orbē regere posse, immō maiores terris spiritus gerere è Cælo vidissent, aliam Macedoniam, alia Regna, id est, æterna querere iubent: rati, satis hīc Imperatū, cū meruit vel à Cælo ambiri; satis Regnatū, cū Regna fastidire didicisset. Itaque Magnus hac parte erat, Auditores, ALEXANDER Noster: sed Regio animo, heroicā indole, augustā corporis maiestate maior. Non is fucatā illā, & ingenijs Historicorum adumbratā animi magnitudine præcelluit, vt currere nisi cum Regibus, exemplo illius Magni, nollet. Alijs se prodebat hæc in ipso magnanimitas, longeq; nobilioribus indicijs. Cursus ei ad gloriā, nō ambitioso illo inferiorum.

riorum contemptu, non fastu, & arrogā-
tia; quæ assentatio Regiam magnanimi-
tatē vocat: sed Principe dignā in omnes
comitate, quæ à Maiestate nusquam di-
scederet: sed virtutis æmulatione, quæ
discrimē personarum nescit, mereturq;
à purpurā vel in vili lacernā honorari.
Inerat ergo illi animus Regius, sed non
ad fastum; inerat magna indoles, sed quā
non ludicro cum Regibus, sed vero, so-
lidoque cū omnibus ad immortalitatem
cursu certaret. Sed neq; ad Coronam cū
Lescis Nostris, dignus ad quem Coronæ
potius currerent; nec tardauissent, nisi
ad immortalem ipse maluisset. Eiusdem
ingeniti ad præclara spiritus, vel ipsa vul-
tus dignitas, ipsa oris maieestas, oculorū
vigor, frontis lætitia, augusta proceritas
index erat; per quæ diuitias animi non
inuida prodit natura, quæq; alijs imper-

Elogium Funebre.

tiuerat, quos terrarum orbis Magnos dixit, vel habuit. Quid hoc iuvene orbis vidit vel sine mollitiâ formosius, vel cum virili maiestate venustius? vt licet oris gratiâ, vel ipsas vinceret Gratias; emendaret nihilominus in se paternum Cæsaris encomium, vt non nisi omnium virorum vir fore videretur. Mirabatur nostra Sarmatia, etsi sæpè visa mirari desu- scimus; mirabatur Germania, atque Italia, quæ cognitum adamauerant, vt amissum magis defleret; mirabatur, inquam, hos Regiæ indolis indices, qui neminem fefellere, nisi præmature occasu, qui omina, spes, vota, auguria, omnium vno momento euertit. In cæteris neminem tã augusti mentis interpretes frustrabantur. Non ociosè mehercule in illâ fronte, illis oculis, illo vultu naturâ posuerat vim quãdam maiestatis, quæ & Regium
quid

quid spiraret, & intuentes ad veneratio-
nem, amoremq; pelliceret. Non celat il-
la in homine, vt in terris metalla & gem-
mas, intimos thesauros; sed exteriùs præ-
cones posuit mentis, qui totum intuen-
tibus narrent hominem. Ijdem narrabāt
ad primum obtutum omnibus ALEXAN-
DRVM Nostm, nec fefellit natura, aut
ipse naturam. Nam si spirabat toto vul-
tu ingenuam bonitatem, comprobauit
illam cultu in Superos, pietate in Patri-
am, obseruantia in Regem, beneuolen-
tia in omnes; si referebat Regiam graui-
tatem, asseruit illam dictorū, factorum-
que constantia, etsi hæc in pertinaciam
degenerare facilis, sæpè innoxiam Prin-
cipibus labem adspersit: si redolebat
prudentiam, magnanimitatem, munifi-
centiam, adstruxit eas pluribus, quàm
pro ætate, & fortuna experimentis: quæ

Elogium Funebre.

adhuc pro tãti capacitæ animi minor,
angustiorq; premebat in angusto, ac ge-
neroso pectore magnitudinẽ illam, quæ
in parua fortunâ seipsa minor, in magna
maior solet apparere. Si ei provinciæ,
exercitus, populi, vno verbo dicã, Re-
gna per ætatem, & fata obtigissent, ne-
scio an non probè cum Historico dicere
auserim, per omnia hunc Nostrũ ALEXAN-
DRVM, similem Alexandro Magno fu-
turum fuisse, sed sobrio, & non iracun-
do, quorum vtroq; iam eũ vicerat, mul-
tis æquauerat. Verumtamen cùm adhuc
Regna deerant; sibi ipse, vt alijs sciret,
Imperabat, ac se literis, eruditione, pere-
grinationibus ad Regna erudiebat: cùm
exercitus, & castra; ludicris se exercita-
bat, simulacra pugnæ domi edendo, ca-
stella ex arte ac munimenta struẽdo, op-
pugnando, defendendo, machinas bel-
licas

licas fabricando, venando, iaculando,
equitando. Quid multa? quamuis in im-
pari adhuc, suo generi, suo animo, fortu-
nâ: nihil tamen humile vnquam cogita-
bat, aut agebat, nisi ad horam, ne ocio
noxia accerferet, egregiè vel in hoc ipso
nominis sui Imperatorem Alexandrum
Seuerum, vt solebat alios quoq; Carolos
& Alexandros, æmulatus, solitum vilio-
ribus etiam per ociû operis manus exer-
cere, sed tamē ocio Domitiani nobilio-
ribus. Tandem verò, vt aliquando in-
veris castris rei gerendæ occasio daretur,
quam hætenus ætas, vel tēpus negabat,
vtròcam ipse & foris apud Cæsarem
FERDINANDVM Auūculum suum quæ-
rebat, & domi apud Fratrem Regem
summo studio post suum ex Germania,
Italiaq; reditum efflagitabat. Nec opti-
mus Rex differendum ratus tam præcla-
rum

Elogium Funebre.

rum Iuuenis desiderium, haud ægrè eum
ad bellum Turcicū assumpsit, vt sub suâ
disciplinâ, ac ductu, inq; tam clarâ mili-
tiâ tyrocinium deponeret. Iuit, iuit for-
tissimus Iuuenis, iam militi Caligula, sed
non Caius, alacri animo vt suum, vel ho-
stilem sanguinem funderet, vt Religio-
ni, Fratri, Patriæ, prima militiæ rudimē-
ta consecraret; nil nisi castra, hostē, pu-
gnas toto itinere agitando. Sed, ô fata!
postquam fama Regiæ expeditionis ho-
stem terruit, fugauit, exarmauit; flamma
Martij pectoris, quæ in hostem efferbu-
erat, in ipsum, quod tam facilè debella-
tum esset, eoq; prima militiæ auspicia ir-
rito voto abiissent, sensim, desæuijt; au-
cto que ex contagione morbo intra pau-
cos dies absorpsit. Extollat nunc, & fe-
rat ad astra adulatrix antiquitas, Regios
spiritus ALEXANDRI sui, ad victorias pa-
ternas

ternas ingemiscantis, metuentisq; , ne
nihil vincendum Pater sibi relinqueret.
Grauius ecce alter hîc ALEXANDER ad
victorias fraternas, inter priuatæ, publi-
cæq; lætitiæ affectus indoluit; quæ cum
victrices Aquilas ab vltimo Septemtrio-
ne in Oriëntem ferre cerneret, ipsaq; no-
minis, & aduētus sui famâ terrorem Or-
bis terruisse; veritus, ne sibi non superes-
set gloriæ materia, superesse ipse noluit.
Licet enim suum putaret, quicquid in cō-
mune decus Regiæ Domus Frater REX
gessisset: superat tamen omnes in gene-
roso pectore affectus gloriæ cupiditas,
vt ei & pietas Paterna, & caritas Frater-
na, sæpè concedat. Quâ etiam ALEXAN-
DER hîc Noster victus, etsi lætabatur fra-
ternâ, & publicâ fælicitate, & supremo
spiritu colluctatus, exēplo alterius Ale-
xādri Regis Proauī sui, pro domitis Bar-
C baris

Elogium Funebre.

baris lætas æterno Numini gratias refere-
bat : indignabatur tamen fatis, ac prope-
rata paci, quæ sibi ad bellicam gloriam
viam præclusissent. Sic ille : At R E G I
Nostro, at Nobis, & Reipubl: ut rerum
mortalium fert natura, in tanto rerum
successu, cumulatilq; trophæis redijt fu-
nesta Æmiliani triumphipost debellatâ
Macedoniâ facies. Perculerant ibi tum
amissi duo filij Patrem triumphantem :
hîc amissus Frater Regem Victore. Sed
utrobiq; vnâ & de hostibus, & de priuatâ
calamitate triumphatum. Donauit ibi
Reipublicæ Pater luctum suum, ex pri-
uatâ Domus suæ iacturâ publicam fælici-
tatem auspicatus : donauit & Reipubl:
Nostræ VLADISLAVS Rex eodem
affectu, pari augurio, ut & se ipsum pri-
dem, & tanquam victimam piacularem
salutî publicæ deuouit. Binos & hîc Fra-
tres,

tres, vt ibi Filios, aggressa erant contagioso morbo fata; sed Cælum vno tandē contentum, Te IOANNES CASIMIRE, Magnanime Princeps, seruauit, vt alter vestrū Superis, alter mortalibus documento essetis caritatis in Patriam Regis Nostri, quā secum vtrumque immanissimo hosti obiecit; esseſq; Tu in solatium, aut subsidium Dominationis Fratri, & Patriæ: gerens interim has cicatriculas, nobilibus cicatricibus æquandas, in perpetuum tuæ in Religionem, & Rempubl: pietatis, quas propugnatum cum Fratribus ibas, documentum; quas non tã tibi morbi malignitas, quàm Martius ardor, quo in pericula & vulnera ferebaris, expressit. Tu verò, Optime Regum, (neq; enim fas est, te non alloqui, qui etsi Reipubl: causâ abes, vt hoc etiã ei donares, affectu tamen, & luctu ades) Tu inquā,

Elogium Funebre.

non eras contentus, vt Te, vt Fratres publicæ incolumitatis causâ periculis obijceres, nisi altero eorum amisso, Tuû luctum Reipubl: donares. Qui quidem tantus erat, vt Tua vox æternis monumentis digna audita sit tum, cû tibi referretur in Regio monumento non superesse iam nouæ vrnæ locum; respōdisti enim, fore vni locum, quem vtinam ego occupâssem. Sed absit, ô Domine, triste dicto omen; affectum Fratrism Tuahac voce laudamus, rem abominamur. Tuâ vitam tot salutes complexam carius Superi, & Orbis, quàm Tu, æstimant. quâ viuunt in Te, viuentq; nobis omnes boni, & Magni Alexâdri. Immò lætum accipimus omen, vt occupato iam toto inter mortuos loco, diu viuis Imperes: æternumq; Tibi in pectoribus Ciuium struas monumentum. Quin & illacrymâsti,
noue

noſue Iuli, ad feralem Tui ALEXANDRI
loculū, teſtatus amorem fraternum ra-
rum, in Regijs præſertim Domibus bo-
num; quo & Nos antea ferè caruimus, at
nunc à te reſtituto ita fælices fruimur, vt
nō timeamus vetera Te Dominante diſ-
fidia; qui Fratres Tuos amas vt Pater, vt
Frater ornas, vt Rex auctoritate regis,
conſilio & exemplo ducis, beneficijs au-
ges. Sed quid dico Fratres? etiam ſubdi-
tos, qui cū Te Regem dixiſſent, Tu fi-
lios adoptaſti. Verū ad vos cum ALE-
XANDRO Noſtro redeo, Auditores; cu-
ius en iam Regios cineres Sarmatia No-
ſtra, tanquam alterius Germanici Mater
Agripina, Regijs infert monumentis, nō
Tyberium, non Piſonem, incuſans, quos
iſta ſæcula non norunt, ſed fata, ſed pia-
cula Noſtra, quæ haud quaquam poterāt,
niſi tanti pretij victimā, expiari. Iam er-
go vl-

Elogium Funebre.

go vltimum vale vobis dicit. In sinu huius Patriæ natus, altus, educatus pro eadē mortem oppetiisse, si minùs cui videtur, voluit certè cū cōiuit, vbi occumbere pro Religione, & Patriâ, animus fuit, occasio defuit, & vnde cum eodem moriēdi animo, quo iuerat, vel potius morte ipsa redijt. Satis se vixisse profitetur, quando ita desijt : satis, quando ita iam cæpit, vt nunquā desinat. Heroico quippe, & Catholico animo, mūdum magis spreuit, quàm ille Macedo nouos cōcupiuerat. Referre maiores gratias & Patriæ, & vobis, non potest, quàm cum Diuo huius Basilicæ, & Regni Patrono, cæterisq̃ suis, & Gentis Nostræ Cognatis Cælitibus, comprimisq̃ sanctissimis Parentum suorum spiritibus, quorum cineribus mox sociabitur, consociatus iam æterno, vt vouemus, consortio, Deum precan-

precando, vt Seruatorem Noſtrū VLA-
DISLA VM Regem, diu ſeruet; Princi-
pes Fratres, vnicamq; Sororem lōgæuā
incolumitate donet; Rempubl: Noſtrā
ſaluam, ac florentem reddat; ac ipſe ita
nunc totum Regium monumentum oc-
cupet, vt inclyta hæc Baſilica, quæ Reges
coronat, & ſepelit, vtrumq; diu oblita,
iam non tristes nœnias, ſed lætum pæana
reſonet, exuijsq; ac trophæis hoſtilibus,
qualibus olim collucebat, conueſtita,
fauſta vota pro victorijs, & triumphis
Regis Noſtri, Supremo Regi Re-
gum, prece, cantu, ſacrificio,
exoluat.





P. VI. 20



Biblioteka Jagiellońska

stdr0014519

